

Beasainen, 2024ko maiatzaren 2an,

ONDORENGOAK ELKARTU DIRA:

BATETIK: Leire Artola Ugalde anderea, NAN 35779121E zenbakiduna, jakinarazpen helbidea Beasaingo udaletxean, hau da, Loinazko San Martin Plazan, duena. Beasaingo Alkate gisa, 2023ko ekainaren 17ko Udalbatzan hartu baitzuen kargua. Udalaren ordezkari jarduten du eta Toki araubidearen oinarriak erregulatzen dituen apirilaren 2ko 7/1985 Legearen, 21.1b) artikulua ematen dio horretarako eskumena.

BESTETIK: Iñigo Elozegi Vallejo jauna, NAN 15963803D zenbakiduna, jakinarazpen helbidea Gipuzkoako Urak, hau da, Portuetxe 16, 1 solairua 20018 Donostian, duena. Gipuzkoako Urak S.A.-ren Zuzendari gisa. Gipuzkoako Urak, S.A.-ren ordezkari jarduten du eta horretarako baimena, 1994ko martxoaren 1an, 1994/535/N/01/03/1994 protokolo zenbakia duen eta Juan Aurelio Lázaro Pérez Notarioaren aurrean sinatutako ahalmen-eskriturak ematen dio.

AURREKARIAK

I.- 2004-11-05ean Beasaingo Udala eta Gipuzkoako Urak-en artean hitzarmena sinatu zen, azken entitate honek uraren ziklo integralaren kudeaketa eramateko (uraren hornidura eta saneamenduaren, "altako" eta "bajako" sareen kudeaketa) eta beharrezko inbertsioak egiteko. Horretarako Beasaingo Udalak bere titularitateko emakida, emari-aprobetxamenduak, azterlanak, proiektuak, sareak, instalazioak eta kontsorziatutako zerbitzuei lotutako beste baliabideak Kontsorzioaren esku jarri zituen.

Aldi berean Beasaingo Udalak GIPUZKOAKO Urak-en esku utzi zituen uraren inguruko zerbitzuak emateko eta helburuak erdiesteko dituen ahalmenak, eskumenak, gaitasunak, botereak, eskubideak eta betebeharrak.

II.- Aipatutako hitzarmenaren iraupena hamar urtetarako finkatu zen, 2005-01-01etik kontatzen hasita eta amaitzeaz zegoenean luzatzea erabaki zen. Luzapen hitzarmena, 2014/11/26an sinatu zen hamar urtetarako iraupenarekin 2015-01-01etik kontatzen hasita.

III.- Hitzarmen horien ondorioz alde batetik, Gipuzkoako Urak uraren ziklo integrala 2005eko urtarilaren 1tik aurrera kudeatu izan du Beasaingo udalerrian. Bestetik, denboraldi horietan beheko sarean inbertsioak egiteko konpromisoa hartu izan du.-

IV.- Beasaingo udalak San Inazio eta Esteban Lasa kaleen berrurbanizazio lanen beharra identifikatu ostean, 2024 urteko aurrekontu ekitaldian zehaztu du bere gauzatzea, kontuan izanda San Inazio eta Esteban Lasa kaleek eta ur hornikuntza hoditeria zein estolderia azpiegiturak udalaren jabari publikokoak dira, erabilera publikoa dutelako.

Obra horien kokapena: San Inazio eta Esteban Lasa kaleak, Beasaingo herriguneko ipar-mendebaldean daude kokatuta.

Kale horien ezaugarriak. San Inazio eta Esteban Lasa kaleek guztira, 441,83 metro linealeko luzera dute eta 6.300 m²-ko azalera.

Berrurbanizazio obra lanen beharra Gipuzkoako Urak enpresari helarazi ostean, San Inazio eta Esteban Lasa kaleetako ur hornidura sarearen eta ur zikinen sarearen berrikuntza beharrezkoa dela ebatzi du.

V.- Horregatik, oportunitateari dagokionez, bi inguruabar hauek (azpiegituren eta urbanizazioaren berrikuntza obrak) garai beretsuan burutuko direnez, denbora ikuspegitik, hitzarmen hau orain egitea egokia dela iritzi diote bi aldeek.

VI.- Aipatutakoa, oinarri juridiko hauen babesean gauzatuko da:

40/2015 legeko 49.b) artikulua xedatu duenez, Beasaingo Udalaren eskuduntza zein den zehaztu behar da.

Apirilaren 2ko 7/85 legeak, 25.2c) artikuluan Udalaren "eskuduntza propio edo berezko" gisa izendatu du honakoa: etxebizitzetara ur edangarria hornitu eta hondakin-uren hustuketa zein tratamendua. Areago, 26.1.a) artikuluan, "nahitaez eman beharreko zerbitzuen" artean, ur edangarria etxebizitzetara hornitzea, estolderia eta bide publikoen zoladura aipatu ditu.

Bestalde, 26.2. b) artikulua araberak, ur edangarri hornikuntza eta ur -zikinen hustuketa zein tratamendua, 20.000 biztanletik beherako udalerrietan, Foru Aldundi bidez gauza daitezke. Azken hau Foru Aldundiak zuzenean ala "elkarbanatutako kudeaketa" bitartez, Kontsortzioak edota mankomunitateak direla medio, gauzatu ahal izango du (26.2 art. " in fine").

Aurreko artikuluaaren irizpidearekin bat dator Euskadiko toki erakundeen apirilaren 7ko 2/2016 legea. Hain zuzen ere, 104. 2 artikuluari jarraiki, Kontsortzioa hobetsiko da udalerrien "gutxieneko eta nahitaezko zerbitzuak" modu partekatuan kudeatzeko.

Urriaren 1eko 40/2015 legeak - 47.1 artikuluan- aukera eman dio Administrazioari zuzenbide publikoko entitateekin hitzarmenak izenpetzeko, beren xede nagusia interes publikoa betetzea bada. Doi-doi, 40/2015 legeko 118.1. artikulua Kontsortzioak " zuzenbide publikoko entitate" gisa definitu ditu.

Eta ondorioz, izaera juridikoari dagokionez, hitzarmen hau 40/2015 legeko 47.2.a) artikulua deskribatutako "hitzarmen inter-administratiboa" dugu; alegia, Administrazio publiko ezberdin baten menpeko den entitate publiko batek eta Administrazio publiko batek adostutako akordioa dugu eta gainera, eragin juridikoak dituen.

Horren ondorioz, bi alderdiek elkarri hitzartzeko eta betebeharrak hartzeko gaitasuna aitortu diote eta hitzarmen hau egitea adostu dute, urriaren 1eko 40/2015 legeko 48.3 artikuluan oinarrituta, ondorengo estipulazioen arabera:

ESTIPULAZIOAK

LEHENIK: HELBURUA. Hitzarmen honen xede nagusia bikoitza da:

- Kalearen urbanizazioa berritu eta irisgarritasuna hobetu.
- Ur hornikuntza zein ur zikinen azpiegituran matxurak murriztu.

BIGARREN: KONPOKETA LANEN ZEHAZTAPENA

Obren edukiari dagokionez, egokitze lanak hauexek dira:

- Urbanizazio lanak. Egungo espaloiak eta errepideak eraitsi, onartutako Proiektuan zehazten diren azaleretan egungo espaloiak eta errepideak eta lurpeko instalakuntzak berritu.
- Ur hornikuntza hoditeria eta estolderia azpiegitura berritu, egun dagoen saneamendu sistema bateratua bitan banatuz, euri urak eta ur zikinak hoditeria ezberdinetan jaso ahal izateko.
- Egungo ur hornidura sarea guztiz aldatu.

Lan hauek guztiak burutu ahal izateko Proiektuak beharrezkoak diren obra atalak zehazten ditu.

HIRUGARREN: FINANTZAZIO KONPROMISOAK

Obretatik ondorioztatutako gastuak, Beasaingo Udalak eta Gipuzkoako Urak ordainduko dituzte:

- Beasaingo Udalak espaloien eta errepidearen konponketa lanen gastuei aurre egingo die.
- Gipuzkoako Urak aldiz, ur hornidura sarearen eta ur zikinen sarearen berrikuntza lanak hartuko ditu bere gain.

LAUGARREN: GASTUEN BANAKETA ETA AURREKONTUA

Gastuen banaketa

GIPUZKOAKO URAK	449.392,37 € + BEZ
BEASAINGO UDALA	2.404.610,60 € + BEZ

Gastuen banaketa, hitzarmen honi atxikitzen zaion aurrekontu bananduaren arabera burutuko da. Obra lanak bukatzean, azken neurketetan esleitutako aurrekontutik alderik balego, hauen izaeraren baitan gain hartu beharko dituzte Gipuzkoako Urak nahiz Beasaingo Udalak.

Obra Zuzendaritza eta Obra Gauzatzeko Zuzendaritza gastuak erdi bana ordainduko dituzte Gipuzkoako Urak eta Beasaingo Udalak.

Aldiz, Obraren Segurtasun eta Osasun koordinatzailearen gastuak Beasaingo Udalak hartuko ditu bere gain.

Aurrekontua

Horretarako bi alderdiek honakoa dute aurreikusita kontabilitate eta aurrekontu agirietan:

- Beasaingo Udalaren aurrekontu aplikazioa: 1 0350.601.153.20.03 2024 Kontusaila.
- Gipuzkoako Urak-en 2024 aurrekontua.

Finantza konpromiso hauek jasagarriak dira guztiz, urriaren 1eko 40/2015 legeko 48.5 artikuluari begira. Eta ekarpen ekonomiko hauek ezin dituzte inola ere, hitzarmenaren exekuzioaren ondoriozko gastuak gainditu, 40/2015 legeko 48.6 artikulua betez.

BOSGARREN: ALDERDIEN BETEBEHARRAK.

Obraren kontratazio espediente osoa, hasieratik bukaerara, Beasaingo Udalak gauzatuko du, Sektore Publikoko Kontratuen 9/2017 Lege-testu bateratuari jarraituz. Kontratazioaren helburuan, hitzarmen honen bigarren estipulazioan jasotako lan guztiak aurreikusiko dira.

Obrak eragin zuzena izango du bai oinezkoen pasabidean bai motordun ibilgailuen trafikoan. Horregatik, obra hasi aurretik obra zuzendaritzak, Beasaingo udaltzaingoarekin koordinatuko ditu beharrezko diren neurri guztiak. Obran zehar oinezkoen zein ibilgailuen segurtasuna bermatuko da une oro.

Enpresa kontratistak, obra-ziurtagiriak hilero aurkeztuko dizkio Beasaingo Udalari. Obra-ziurtagiri horiek, Obra Zuzendariaren, Obra Gauzatze Zuzendariaren, Ur Kontsortzioko teknikarien (bere ataletan dagokienean) eta Beasaingo Udaleko teknikarien (bere ataletan dagokienean) oniritzia beharko dute.

Obra-ziurtagiri horietan, enpresa kontratistak, nahitaez bereiztuko ditu, alde batetik, kalearen urbanizazio lanen neurketak eta bestetik, ur hornidura eta ur zikinen sarearen lanak. Izan ere, Beasaingo udalak soilik, urbanizazio lanei dagokien gastua hartuko baitu bere gain. Gipuzkoako Urak hirugarren eta laugarren estipulazioan zehaztutako obren gastuen zenbatekoa, Beasaingo udalari ordainduko dio, Beasaingo Udalak egindako jarduketak jasotzen dituzten obra-ziurtagirien onarpen-egiaztagiriak Gipuzkoako Urak-i bidali ahala.

SEIGARREN: HITZARMENAREN IRAUPENA

Hitzarmenaren iraun-aldia obren exekuzioaren menpe egongo da. Lanak amaitu ondoren, obren "*harrera formala*", bi aldeek izenpetutako akta bidez, burutuko da. Akta honen bidez emango dira obrak amaitutzat.

Gehienera ere lau urteko iraupena izango du, "*obren zuinketa akta*" konprobatu eta obrak exekutatzen hasten direnetik kontatzen hasita, beste lau urtez luzatzeko kalterik gabe.

ZAZPIGARREN: JARRAIPEN, ZAINZA ETA KONTROL MEKANISMOAK:

Hitzarmenaren betearazpenaren eta sinatzaileek hartutako konpromisoen jarraipena, zaintza eta kontrola egiteko, eta hitzarmena interpretatzean sor daitezkeen zalantzak argitzeko, batzorde bat sortuko da, kide hauek osatua:

- Udal-erakundearen aldetik, Lurralde Batzordeko zinegotzi arduraduna eta Lurraldeko koordinatzailea.
- Gipuzkoako Urak-en aldetik, Joxemi Telleria eta Teresa Peñalba.

ZORTZIGARREN: ALDERDIEN ARTEKO JAKINARAZPENAK ETA KOMUNIKAZIOAK

Hitzarmen honen esparruan egiten diren jakinarazpenak eta komunikazioak honako pertsona hauei bidali beharko zaizkie:

- Udalaren aldetik: Lurraldeko koordinatzaileari.
- Gipuzkoako Urak-en aldetik, Teresa Peñalba andreari.

BEDERATZIGARREN: ONARTUTAKO BETEBEHARRAK ETA KONPROMISOAK EZ BETETZEAREN ONDORIOAK:

Sinatzaileetako batek onartutako betebeharrak eta konpromisoak beteko ez balitu, ez betetzea burutu duen alderdiari jakinarazpena helarazi beharko zaio, epe jakin baten barruan bete ez direla uste den betebeharrak eta konpromisoak bete ditzan. Ezarritako epea amaituta, ez betetzeak jarraituko balu, hitzarmena suntsiarazi egingo da.

HAMARGARREN: HITZARMENA BERTAN BEHERA GERATZEA:

- 1- Epea amaitutakoan.
- 2- Bi aldeek espresuki horrela adosten dutenean.
- 3- Alderdiek beren gain hartutako betebeharrak betetzen ez dituztenean.
- 4.- Hitzarmena baliogabetzat jotzen duen erabaki judiziala egoteagatik.

Hitzarmena suntsiarazteak azkendu egingo ditu alderdiek onartutako betebeharrak eta konpromisoak, eta baita prestazioen likidazioa ere. Helburu horietarako, aplikagarria izango da Sektore Publikoaren Araubide Juridikoaren Legearen 52. artikuluan xedatutakoa, suntsiaraztearen ondorioei eta likidazio eta kalte ordainen araubideari dagokienez.

Hitzarmenaren helburuak bete direla ulertuko da haren xedea burutu bada bi alderdientzat onargarriak diren baldintzetan.

Egikaritze prozesuan dagoen jarduketarik egongo balitz, alderdiek, jarraipen, zaintza eta kontrol batzordearen proposamenari jarraituta, abian dauden jarduketan jarraipena eta amaiera adostu ahalko dute, horiek amaitzeko epe luzaezina ezarrita.

HAMAIKAGARREN. HITZARMENAREN IZAERA ETA JURISDIKZIO APLIKAGARRIA:

Urriaren 1eko 40/2015 Legearen 47. artikulua arabera, hitzarmen honen izaera juridikoa administratiboa da, eta, ondorioz, administrazioarekiko auzien jurisdikzioa da eskumena duena.

Hitzarmen honen aplikaziotik erator litezkeen interpretazio, aldaketa, suntsiarazte eta ondorioen inguruan ager litezkeen gatazkak alderdien arteko akordio bidez ebatziko dira eta, halakorik ezean, alderdi hauek administrazioarekiko auzien jurisdikzioaren eskumenekoak izango dira.

Eta aurreko guztiarekin adostasun frogatzat, bildutakoek hitzarmen hau sinatu dute goiburuan adierazitako tokian eta egunean.

ELOSEGUI
VALLEJO, IÑIGO
(AUTENTICACI
ÓN)

Firmado digitalmente
por ELOSEGUI
VALLEJO, IÑIGO
(AUTENTICACIÓN)
Fecha: 2024.05.10
08:53:41 +02'00'



EKS | CSV: ESKUb8017e12-bb3a-4d51-9337-f3890a213d92

Egiastatu dokumentu honen osotasuna eta sinadura hurrengo URL edo QR kodean sartuz: <https://uxt.gipuzkoa.eus?De=01910>
Compruebe la integridad y firma de este documento, accediendo a la siguiente URL o código QR: <https://uxt.gipuzkoa.eus?De=01910>